



BOLAND ROLBAL / BOWLS

PRESIDENT STOFFEL LAMBRECHTS, 29 FOURTH AVENUE, CERES. 6835

SEK / SEC. PIERRE PAUL, 60, 6TH STREET, KLEINMOND. 7195

TES/TREAS. TOM TROMP, POSBUS/PO BOX 498, LANGEBAAN. 7257

Tel 072 347 2050

E-pos stoffel@lando.co.za

Tel. 083 453 2389

E-pos pierrepaul@sonicmail.co.za

Tel 022 722 1151 / 073 381 1770.

E-mail potego@mweb.co.za

15 MAART 2022

NOTULE VAN BOLAND ROLBAL ZOOM VERGADERING GEHOUD OP MAANDAG, 17 JANUARIE 2022 OM 17:30.

1. Opening en Verwelkoming

Stoffel heet almal welkom

2. Teenwoordig / Verskoning

Stoffel Lambrechts – President

Lorna Viljoen – Vise President

Pierre Paul – Sekretaris/President Overberg

Tom Tromp – Tesourier

Bräsler van Schoor – Wedstrydsekretaris

Leon Meyer – President Weskus

Charmaine Mostert – President Winelands

3. Bykomende items vir plasing op sakelyst

3.1 - Temperature – Bestuur is bekommerd oor die styging in die dag temperature terwyl spelers op die bane is. Daar word voorgestel dat wedstryde vroeër begin en later in die middag klaar maak. Daar word ook voorgestel dat daar gedurende die wedstryde 'n breek geneem moet word om dehidrasie te voorkom. Daar is riglyne op Rolbal SA se webtuiste wat gevolg kan word. Wedstryd beamptes moet die situasie dop hou en die nodige pouses implementeer. Goeie drankie vir ontwatering is Steri-Stumpi. Bly weg van powerade of energade.

3.2 - Burnt End Production – Paul Ferns se voorlegging word bespreek en word aanvaar. Brasler sal met hom gesels oor die duplikaat datums. Stoffel sal by Personal Trust aanklop om weer hierdie jaar die uitsendings te borg.

3.3 - Covid – Volgens Rolbal SA bly COVID protokol in plek. Daar het geen wysigings gekom nie. Almal, spelers en toeskouers, moet gescreen word tot verdere kennisgewing.

4. Goedkeuring van Notule

4.1 - Notule van Bestuursvergadering van 11 Oktober 2021 word goedgekeur.

5. Sake voortspuitend uit Notule van 11 Oktober 2021

5.1 - Boland Information Officer – Pierre moet vir Heather inlig dat Leon Meyer, Boland se "Information Officer" is. Tom sal die epos opspoor waar versoek word wie ons beampte is.

5.2 - Baanwerkers Toernooi – Brasler het die saak met Garth bespreek. Hulle sal die aangeleentheid ondersoek en dan terugvoering gee.

5.3 - Besigheidsligas – Charmaine wag vir terugvoering rakende die aangeleentheid. Al drie streke is tans besig met Besigheidsliga's en vorder die toernooie goed. Vraag word gevra oor die formaat in die streke en is daar omtrent die helfte wat as driespel speel en die ander as viere. Die verskillende opsies werk by die klubs en moet hulle besluit of hulle wil verander. Sou daar streeks kompetisies wees waar streke of klubs teen mekaar meeding moet die aanpassings gedoen word en behoort nie moeilik te wees om te implementeer nie. Ons moet kyk na kompetisies teen ander klubs om die besigheidsliga uit te brei. Dit kan 'n goeie werwings oefening wees.

5.4 - Boland Interstreke oor 2 dae - Die gesprekke wat sover gevoer is, is baie positief. Die kostes vir verblyf bly egter die grootste struikelblok(veral vir die Weskus spelers). Die gevoel is dat spelers steeds maklik R500 plus vir Classics uithaal en dan nog verblyf ook moet betaal. Waarom kan dit nie ook vir Boland se top toernooi gedoen word nie? Verskeie opsies word bespreek. Onderzoek moet gedoen word om 'n borg te vind. Daar kan ook gekyk word na prysgeld en sal spelers dalk anders daarvoor dink.

5.5 - Pare (3 balle) – Die formaat om pare/gemengde pare na 3 balle en 18 koppe te verander word bespreek en is die gevoel dat dit positief aanvaar word. Rolbal SA se versoek aan Distrikte is nooit uitgestuur om die gevoel te toets. Boland kan dit implementeer, maar eers vanaf einde November 2022. Brasler sal die saak verder voer en terugvoering gee.

5.6 - Nasionale O'30 toernooi – Die reëlings Komitee is bymekaar gebring en is Henry Fourie ook aanboord gebring om te help met die voorbereidings. Eerste notules is aan John Ravenscroft gestuur. Stoffel bied Boland se hulp aan en sal dit in aggeneem word.

6. Finansies

6.1 - Finansiële state vir Desember 2021 – Finansies word bespreek en lyk Boland se sake baie goed. Tom word bedank vir die verslae ingehandig. Bestuurders van Inter Distrikte is tans besig met reëlings vir verblyf.

6.2 - Debiteure eind Desember 2021 – Uitstaande gelde is 'n bekommernis en moet die klubs aangespreek word. Leon, Charmaine en Pierre moet met hulle klubs gesels en die nodige in plek kry om die agterstalliges in te vorder en om die erns van die saak oor te dra. Die feit dat lede se geld hier betrokke is moet ook aan klubs oorgedra word. Klubs soos Riviersonderend en Barrydale is hier ter sprake. Riviersonderend besluit of hulle nog voortgaan om die klub oop te hou en sal teen einde Februarie terugvoer gee. Barrydale het interne probleme by hulle klub en is daar binnegevegte wat die klub kelder. Hulle sal ook terugvoer gee sodra hulle hulle jaar vergadering gehou het. Hulle registreer solank 2 lede op data basis. Daar is ook gelde van Weskus Militer uitstaande. Leon moet hoor of Langebaan Weg nie die gelde kan betaal aangesien hulle gelde van Weskus se sluiting ontvang het,

6.3 - Boland kompetisie inskryfgelde wat nog verhaal moet word – Saak word bespreek en Stoffel en Brasler sal aan Tom die nodige opsommings gee.

6.4 - Wanbetaling van affilasie fooie – Erns van die saak word bespreek en word saamgestem dat klubs geleentheid gehad het tot einde Desember om hulle data basis op datum te bring. Daar is dus geen verskoning nie. Ons moet streng optree teen die klubs en ook aan hulle verduidelik dat dit geld is wat die lede aan die klub betaal het om aan Boland en Rolbal SA te betaal. Daar sal baie goeie verduidelikings en motiverings moet wees voordat die gelde afgeskryf kan word. Saak moet weereens ons Klubs se aandag gebring word.

6.5 - Ledetal tendens – Tom is bekommerd oor die afname van lede in die Distrik en wat daar aan gedoen word. Sal onder punt 7 - Ledewerwing en Bemaking bespreek word.

6.6 - Interne beheer en kontrole – Tom noem dat daar slegs een persoon betrokke is met die inbetaling van gelde in die bank rekening. Die belegging rekening moet twee handtekeninge hê. Saak word bespreek van hoe gevaarlik dit kan wees as geld sou verdwyn. Daar word ooreengekom dat Tom op 'n maandelikse basis 'n bankstaat met bewyse van inbetalings aan Bestuur sal stuur vir goedkeuring.

6.7 - Interdistrikte Reelings 2022 (uitgawes) – Interdistrikte uitgawes word bespreek en word daar gevra waar ons onder of bo begroting is. Oor die algemeen is daar 'n besparing op die vlugte. Verblyf is egter nog 'n probleem veral vir die B-span. Daar is verskeie opsies op die motor huur met bv Kombi's en bussies. PDP lisensies word verlang en sal die opsies met Bestuurders ondehandel

word. Daar sal ook dan besparing wees op motorhuur. Die daaglikse toelaag is ook 'n problem en word bespreek. Verskeie opsies is oorweeg en op die einde word aanvaar dat die R150-00 aanvaarbaar is en so deurgegee sal word. Stoffel sal verder met Bestuurders gesels om hulle sake in orde te kry en om by die begroting te bly.

7. Ledewerwing en Bemarking

7.1 - Terugvoer JBA se Think outside the Box sessie

Groei in Boland ledetal word bespreek en is statistiek deur Leon getrek en aan Bestuur deurgegee. Ons doelwit was 1300 lede en is die werklikheid 1251 lede.

Doen ons genoeg om lede te werf – NEE.

Daar is so baie hulp middels wat gebruik kan word en moet ons dit implementeer. Besigheidsliga's moet gebruik word, kaalvoet dae, kanker dae, en pret dae ook. Ons moet ons gemeenskappe betrek. Stoffel en Charmaine het die JBA aanbieding via zoom bygewoon. Dit was baie interessant en die hulpmiddels wat daar gebruik is was uitstekend. Verskeie voorbeelde is aan Bestuur voorgele en sal Stoffel en Charmaine 'n verkorte weergawe aan ons en klubs deurgee.

8. Wedstrydsekretaris

8.1 - Oefening teen WP – Hermanus het 'n skrywe gestuur om aansoek te doen dat die WP/Boland oefening op Hermanus moet plaas vind. Hulle sal vir die Weskus Spelers verblyf sonder kostes reël en ook geen baan fooie teen Boland verhaal nie. Die saak word breedvoerig bespreek en moet Bestuur onthou dat Worcester, Boland se Hoofkantoor is. Dus moet die wedstryde soos bepaal daar plaasvind. Worcester se bane is ge"hollowtine" en is die speel oppervlak nie na wense. Na baie raadpleging en bespreking is besluit om vir Lampies en Gaffie te vra om 'n inspeksie te doen op die bane en om Bestuur dan teen 31/1 in kennis te stel of Worcester bane speelbaar is al dan nie. Skrywe moet aan Hermanus gerig word om hulle so in kennis te stel. 'N besluit sal dan geneem word deur Bestuur.

8.2 - Dubbele Lidmaatskap – Hier is veral vroege gevra oor lede wat oor Distrik grense "geleen" word om aan Boland kompetisies deel te neem. Die gevoel is dat as 'n klub te min lede het en 'n speler dan by 'n ander klub moet leen dit binne sy Streek gedoen word. Sou 'n speler oor die grense gaan moet hy/sy aansoek doen vir dubbele lidmaatskap. Hy/sy moet dan ook besluit uit watter klub hulle dan hulle Boland kompetisies gaan speel. Streke en klubs moet kyk na hulle grondwette om die saak aan te spreek. Sou 'n speler by 'n ander klub 'n speler wou leen of vra om saam te speel moet beide klubs se Bestuur toestemming gee daarvoor.

Hierdie praktyk is eintlik nie aanvaarbaar nie en moet klubs aangemoedig word om nuwe lede te werf om sodoende hulle ledetal reg te kry. Reël B3 van Boland se grondwet moet gewysig word.

8.3 - Boland Liga – Juniors Kombineer – Hierdie item is reeds goedgekeur en kan hierdie jaar geïmplementeer word.

8.4 - Bepaling van Venues vir Toernooie – Stoffel verduidelik waar die besluit gekom het dat Worcester gebruik word vir alle Boland finale kompetisies. Dit is ook meer sentraal en reiskostes is nie so hoog nie. AGV die toestand van Worcester se bane en dat Hermanus dalk die WP/Boland oefen wedstryd gaan huisves, word daar gevra of die Enkels finale ook op Hermanus gehou kan word. Hier word lank en deeglik met mekaar onderhandel en is die besluit geneem soos per punt 8.1. Na inspeksie van Worcester bane sal besluit word of Enkels finale op Hermanus sal plaasvind, Novices sal egter nog op Worcester plaasvind.

8.5 - Verandering van formaat - Boland toernooie – Voorstel soos deur Brasler ingehandig is aanvaar en kan so geïmplementeer word.

8.6 - Meesters – Vet en Ope – Pad vorentoe – Daar word vroege gevra oor die hantering en inskrywings van hierdie toernooie. Die gevoel is dat Veterane nie by ope toernooie betrokke moet wees nie. Of die genooies moet speel in die afdelings soos wat hulle vir Inter Distrikte gekies word. Die groot debakkel hier is dat daar ongelukkigheid is dat van die lede na beide die Ope en die

Veterane Meesters genooi word. Dit is goed en wel dat hulle daarvoor kwalifiseer maar onregverdig teenoor ander lede wat op 'n geleentheid aanklop. By ander Distrikte moet lede kies waar hulle wil speel en mag nie aan beide deel neem nie. Na hewige debat is daar besluit om die saak na Spelers Vereeniging te verwys en om dan terug te verwys na Bestuur. Pierre moet skrywe aan Mark Beviss-Challinor en Louise Roediger stuur om met hulle lede te bespreek en dan voor 24/03/2022 terugvoering te gee.

8.7 - Onttrekkings na trekking vir kompetisies – Hierdie saak laat baie probleme vir Brasler en kos dit baie addisionele kostes en werk. Klubs moet gemaak word om hulle lede in te lig dat daar boetes geïmplementeer gaan word. As 'n lid onttrek moet hulle iemand in hulle plek kry. Die persoon moet sy inskryf gelde betaal sowel as die plaasvervanger. Klubs moet gevra word om Brasler te ondersteun in hierdie saak.

8.8 - Bekers en Trofee lys – Stoffel en Brasler sal die saak hanteer en uitsorteer waar al die bekere is.

9. Verslae : Sameroepers van Staande Komitees –

9.1 Perkemeesters – Geen – Lampies moet gevra word om te reël dat kursusse nou aangebied kan word

9.2 Afrigters – Kursusse is aangebied en sertifikate is aangevra. Daar is egter 'n paar lede se aansoeke uitstaande. Hierdie is van Weskus en Overberg. Terugvoering sal gegee word.

9.3 Tegnieksebeamptes – Almarie het al kursusse aangebied en is daar nog kursusse in die pyplyn.

10. Verslae van Sub-distrikte –

10.1 - Overberg – Geen probleme op hierdie stadium. Barrydale en Riviersonderend se probleme word deurentyd gemonitor en sal vergadering op hoogte gehou word. Verskeie klubs is besig met Besigheidsliga en verg dit nou baie aandag.

10.2 - Wineland – Alles in orde – kursusse word aangebied en word Kanker dag kompetisies gereël.

10.3 - Weskus – Leon rapporteer dat Weskus Militêr toegemaak het en dit 'n verlies van lede beteken. Dames Classic word vir April by Yzerfontein aangebied.

11. Korrespondensie

11.1 - Hermanus Skrywe WP Oefening – Pierre stuur skrywe aan Hermanus om besluit TOV oefen wedstryd mee te deel

12. Algemeen

12.1 - Inskrywings Interdistrikte (SAIDS) – Pierre moet sorg dat inskrywingsvorme vir al die ses Inter Distrik spanne voltooi word en betyds ingestuur word.

13.- Volgende Vergadering: Donderdag 24 Maart 2022

UB/ Exec: Stoffel Lambrechts(Pres),Lorna Viljoen (V-Pres), Pierre Paul (Sek/Sec), T Tromp (Tes/Treas), Brasler van Schoor (Wedstr. Sek./ Match Secr.), Leon Meyer, Charmaine Mostert (Streek Verteenwoordigers/Area Reps.)